



Reykjavík 12. ágúst 2024  
MSS24070015

## UMSÖGN

**Viðtakandi:** Borgarráð

**Sendandi:** Dís Sigurgeirsdóttir, skrifstofustjóri skrifstofu stjórnarsýslu

### Umsögn um endurnýjun þjónustusamnings við Fjölsmiðjuna

Þann 24. júlí 2024 óskaði skrifstofa borgarstjórnar eftir umsögn velferðarsviðs varðandi endurnýjun á þjónustusamningi við Fjölsmiðjuna á grundvelli bréfs samtaka sveitarfélaga á höfuðborgarsvæðinu, dags. 4. júlí 2024.

#### Umsögn:

Fjölsmiðjan hóf starfsemi sína árið 2001 og voru stofnaðilar Rauði kross Íslands, Félagsmálaráðuneytið, Vinnumálastofnun og sveitarfélögin á höfuðborgarsvæðinu. Fjölsmiðjan er sjálfseignarstofnun með það að markmiði að starfrækja verkþjálfunar, framleiðslu- og fræðslusetur fyrir ungt fólk á aldrinum 16-24 ára. Sömuleiðis eiga 25 ára og eldri aðgang að Fjölsmiðjunni ef þeir hafa sérstaka þörf á því sviði. Í dag eru bakhjarlar Fjölsmiðjunnar samtök sveitarfélaga á höfuðborgarsvæðinu (SSH), Vinnumálastofnun, félags- og vinnumarkaðsráðuneytið og mennta- og barnamálaráðuneytið.

Núverandi samningur SSH við Fjölsmiðjuna gildir til 31. desember 2024.

Í samningi kemur fram að verksali (Fjölsmiðjan) greiði út þjálfunarstyrki til nema í samræmi við reglur Fjölsmiðjunnar um mætingu og vinnuframlag hverju sinni. Þjálfunarstyrkur nema er ákvarðaður af sveitarfélögum í samræmi við ákveðinn launataxta Eflingar stéttarfélags. Á árinu 2024 er áætlað að kostnaður Reykjavíkurborgar verði 161.834.410 kr. í formi veittrar fjárhagsaðstoðar til nema sem greiddur er til Fjölsmiðjunnar og hún greiðir út í formi þjálfunarstyrks. Að auki fær Fjölsmiðjan greitt 5% álag á þjálfunarstyrk til að mæta umsýslukostnaði við umsjón og utnumhald sem áætlaður er 8.348.964 kr. árið 2024 fyrir Reykjavíkurborg.

Í samningnum kemur jafnframt fram að verkaupi (sveitarfélögin) greiði þjónustustyrk (11 m.kr. árið 2020) sem breytist árlega í samræmi við breytingu á vísitölu neysluverðs. Sveitarfélögin á höfuðborgarsvæðinu skipta með sér kostnaði á hverju ári miðað við hlutfallslegan íbúafjölda 1. desember árið á undan. Á árinu 2024 er áætlaður kostnaður Reykjavíkurborgar 8.090.468 kr.

Þann 23. maí 2022 var gerður viðauki við samninginn sem gildir til 31. desember 2024 um að til viðbótar við árlegan þjónustustyrk greiði sveitarfélögin samtals 11,5 m.kr. árlega á árunum 2022-2024 og skiptist fjárhæðin á milli sveitarfélaga á sama hátt og þjónustustyrkurinn. Á árinu 2024 er áætlaður kostnaður Reykjavíkurborgar 7,2 m.kr.

#### Samtals áætlaður kostnaður Reykjavíkurborgar vegna samnings á árinu 2024:

Þjálfunarstyrkur:	161.834.410 kr.
Umsýslugjald v. þjálfunarstyrkja:	8.348.964 kr.
Þjónustustyrkur:	15.290.468 kr. (viðbótarstyrkur og þj.st.)
Húsaleigustyrkur:	11.137.379 kr.



Í bréfi samtaka sveitarfélaga á höfuðborgarsvæðinu dags. 4. júlí 2024 kemur fram að stjórn SSH samþykkti á fundi sínum þann 1. júlí að leggja til við aðildarsveitarfélögin að endurnýja þjónustusamning sinn við Fjölsmiðjuna til allt að fimm ára á grunni núverandi samnings og viðauka við hann.

Núverandi leigusamningur á húsnæði Fjölsmiðjunnar rennur út þann 31. janúar 2025. Samkvæmt upplýsingum Fjölsmiðjunnar eru allar líkur á því að verði nýr samningur gerður hækkandi húsaleiga um rúmlega 40%, eða um 22 m.kr. með vsk. á ári og byggir það á markaðsaðstæðum á leigumarkaði í dag.

Stjórnin samþykkti að auki að hlutfall aðildarsveitarfélaganna í húsaleigu Fjölsmiðjunnar verði áfram 40% en áætlað er að sú hækkun verði á ársgrundvelli frá 1. janúar 2025 um 8,8 m.kr. Stjórnin setur þann fyrirvara að aðrir sem koma að rekstri Fjölsmiðjunnar geri slíkt hið saman.

Á fundi stjórnar var lagt til að ákvörðun um aukin bein rekstrarframlög verði frestað og mikilvægt talið að stjórn Fjölsmiðjunnar eigi samtal við fulltrúa ríkisins um frekari aðkomu að rekstrinum m.a. vegna nemenda með fjölbreyttan menningarlegan bakgrunn. Nemar með erlent ríkisfang frá Reykjavíkurborg hafa verið frá 35% til 46% þeirra sem nýta sér Fjölsmiðjuna árin 2021-2024.

Á árinu 2024 er áætlaður kostnaður vegna Fjölsmiðjunnar 34.776.811 kr. (að frádregnum kostnaði við greiðslu þjálfunarstyrks). Verði samningur við Fjölsmiðjuna endurnýjaður út frá fyrirliggjandi forsendum má gera ráð fyrir að kostnaður Reykjavíkurborgar á árinu 2025 verði alls 42.592.163 kr. (að frádregnum kostnaði við greiðslu þjálfunarstyrks).

#### **Samtals áætlaður kostnaður Reykjavíkurborgar vegna samnings á árinu 2025:**

Þjálfunarstyrkur:	169.926.131kr.
Umsýslugjald v. þjálfunarstyrkja:	8.496.307kr.
Þjónustustyrkur:	16.238.477kr. (viðbótarstyrkur og þj.st.)
Húsaleigustyrkur:	17.857.379kr. (beiðni um hækkun er hér innifalin)

Það er mat velferðarsviðs að mikilvægt sé að endurnýja samninginn við Fjölsmiðjuna. Fjölsmiðjan er mikilvægt úrræði fyrir þau ungmenni sem ekki hafa náð að fóta sig á almennum vinnumarkaði eða í námi. Á árinu 2023 tóku 100 reykvisk ungmenni þátt í starfi Fjölsmiðjunnar og það sem af er ári 2024 (til júní loka) hafa 82 tekið þátt. Úrræðið er vel nýtt eins og sjá mér hér að neðan:

#### **Fjöldi tilvísana frá Reykjavíkurborg árin 2016 – 2024.**

<b>Kyn</b>	<b>2016</b>	<b>2017</b>	<b>2018</b>	<b>2019</b>	<b>2020</b>	<b>2021</b>	<b>2022</b>	<b>2023</b>	<b>2024</b>
Karl	31	37	34	41	42	48	64	73	60
Kona	21	13	9	15	16	17	17	27	22
<b>Samtals</b>	<b>52</b>	<b>50</b>	<b>43</b>	<b>56</b>	<b>58</b>	<b>65</b>	<b>81</b>	<b>100</b>	<b>82</b>

Samkvæmt upplýsingum frá Fjölsmiðjunni er góður árangur af starfi hennar en 60-80% nema skila sér annað hvort í nám eða vinnu að loknu námi þar. Auk þess sýna kannanir meðal nema að þátttaka í úrræðinu hefur mjög jákvæð áhrif á líðan þeirra og lífsgæði.



## Nánar um samninginn sjálfan:

Velferðarsvið telur mikilvægt að í nýjum samningi verði hugað að eftirfarandi atriðum:

Bæta við svohljóðandi tilvísun í persónuverndarlögin: Vinnsla upplýsinganna fer fram í samræmi við lög nr. 90/2018 um persónuvernd og vinnslu persónuupplýsinga og reglur um öryggi persónuupplýsinga, sbr. reglugerð Evrópuþingsins og ráðsins (ESB) 2016/679.

Fella út eða breyta grein 2.6 en þar segir “Stefnt er að því að Fjölsmiðjan vinnu- og fræðslusetur á höfuðborgarsvæðinu verði orðinn viðurkenndur fræðsluaðili árið 2020. Umsókn þess efnis hefur verið send inn til samþykktar hjá Menntamálastofnun”. Fjölsmiðjan hefur öðlast þessa viðurkenningu í dag og því ekki þörf á ákvæðinu.

Uppfæra grein 4.1 þar sem launaflokkur 115 í kjarasamningi Eflingar við Samband íslenskra sveitarfélaga er ekki lengur til (notast er við launaflokk 117 í dag). Í sömu grein er fjallað um að tekin sé sameiginleg ákvörðun um jólabónusa utan kjarasamninga og aðra launaliði til að gæta jafnræðis en gott væri að festa slíkt. Vinnuregla síðustu ár hefur verið sú að jólabónus miðast við mætingarhlutfall og starfstíma nema (miðað við % mætingu sl. 3 mánuði). Jólabónusinn var 30.000 kr. fyrir árið 2023 fyrir þá nemendur sem höfðu mætt sl. þrjá mánuði (sept., okt. og nóv.) yfir 200 tíma. Þeir sem mættu 50-200 tíma fengu 20.000 kr. og þeir sem höfðu mætt undir 50 tímum fengu 10.000 kr. í jólabónus.

Í 5.gr. yrðu allar greiðslur tíundaðar og útskýrðar, s.s. umsýslugjald vegna umsjónar og utanumhalds á greiðslu þjálfunarstyrks (er í núgildandi samningi í gr. 4.5). Þjónustustyrkur er í gr. 5.2 (viðauki yrði tekin þar inn og felldur inn í þjónustustyrkinn) og húsaleigustyrkur.

f.h. velferðarsviðs

Dís Sigurgeirsdóttir  
skrifstofustjóri skrifstofu stjórnsýslu